

修訂日期: 2004/11/14 發行日期: 2006/2/15

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 21, No. 1413

原始資料: 蕭鎮國大德提供, 北美某大德提供

No. 1413

佛說尊勝大明王經

西天譯經三藏朝散大夫試鴻臚少卿傳法大師臣施護奉 詔譯

爾時世尊告阿難言。阿難有尊勝大明王。乃是過去一切諸佛之所宣說。阿難彼七俱胝如來亦隨喜宣說。我今復為未來世中一切眾生宣揚顯說。汝當諦聽。阿難若有善男子善女人。聞此尊勝大明欲受持讀誦者。先須清淨身心。歸命一切諸佛一切尊法一切聖眾。又復歸命大悲觀自在菩薩摩訶薩。亦復歸命擁護娑婆世界主。乃至一切持明天等。歸命如是諸佛菩薩及聖眾已。然後可誦。即說尊勝大明王曰。

怛徧也(二合)他(引)馱囉馱囉馱囉馱囉馱囉馱囉馱囉馱囉 地里地里地里地里地里地里 地里 度嚕度嚕度嚕度嚕度嚕度嚕度嚕 酥嚕酥嚕酥嚕酥嚕酥嚕酥嚕酥嚕 摩囉摩囉摩囉摩囉摩囉摩囉摩囉 彌里彌里彌里彌里彌里彌里彌里彌里 母嚕母嚕母嚕母嚕母嚕母嚕母嚕母嚕 擁護於我及一切眾生 呬隸呬隸呬隸呬隸呬隸呬隸呬隸呬隸 護嚕護嚕護嚕護嚕護嚕護嚕護嚕護嚕 吉隸吉隸吉隸吉隸吉隸吉隸吉隸吉隸 吉隸 彌隸彌隸彌隸彌隸彌隸彌隸彌隸 呬隸呬隸呬隸呬隸呬隸呬隸呬隸 薩哩嚕(二合)部多鉢囉 (二合)底史(引)鄧迦嚕彌 莎賀

一切冤家發惡心者極毒害者。若欲於我及他眾生。作諸惡法使生諸病或欲障閉令眼不見令耳不聞。鼻不辯香口不能語。乃至一切身分咸欲繫縛者。而彼冤家或自作或令他作。乃至彼類隨喜之者悉皆破壞。

靚嚕靚嚕靚嚕靚嚕靚嚕莎賀

一切魑魅魍魎吠多拏旋風鬼。諸如是等一切鬼神。欲起惡心行不饒益者。退散四方遠離而去。

左囉左囉莎賀摩囉摩囉莎賀彌里彌里莎賀度嚕度嚕莎賀

一切人非人等發起惡心。禁制於我及他眾生。使其狂亂或如癡迷。或已作或欲作皆悉解除。

徧隸徧羅計世。莎賀閉帝閉多計世莎賀路(引)呬帝(引)路呬多計世莎賀阿嚕捺(引)帝(引)阿嚕捺(引)多計世莎賀濕吠(二合)帝(引)濕吠(二合)多嚕娑怛囉(三合)馱囉尼(引)曳(引)莎賀

王怖賊怖水火等怖。拏吉徧怖毘舍遮怖。供畔拏怖羯吒布單曩怖。影鬼怖諸如是等惡鬼神怖或在道路或在曠野。晝夜行時一切安隱。又復冤家見面除解聞語除解。如

親眷屬相見歡喜。

怛儻也(二合)他(引)護嚕護嚕尼吉尼吉里尼吉里尼莎賀

一切邪明截斷破壞。或自焚燒猶如灰燼。或自傷害或自迷。亂或釘橛崩倒或隱沒不現。或依空作法自然墮落。或有文字障礙不行。焰魔王界振動驚怖。

怛儻也(二合)他(引)娑吒娑吒[口*發]吒[口*發]吒[口*發]吒[口*發]吒[口*發]吒部嚕部嚕母嚕母嚕莎賀

若魔若魔民以惡心相向。或自在天或夜叉夜叉女等。乃至一切食血者。食肉者食脂膏者。食精氣者食涎沫者。諸如是等所執所縛悉皆解脫。乃至男女受胎處胎。初生之時皆得安隱。

阿難此尊勝大明王是世間母。一切眾生咸同其子。阿難若善男子善女人。得聞如是尊勝大明。能受持讀誦者。是人無始已來所有罪業皆得除滅。一切吉祥而能增長。見者歡喜所作成就。又復善男子善女人。以此明王書於紙素。或頂或臂而常戴持。一切不祥悉皆遠離。於睡夢中亦無惡境。火不能燒水不能漂。一切諸惡皆不侵害。又或掬水誦此明王。加持已吸在鼻中。所有在身宿業亦得除滅。復增善巧恒得安樂。一切邪明呪詛不饒益事。以此明王加持淨水或線或白芥子。解除自退。阿難我先告汝。此大明王乃是過去七俱胝如來同共宣說。我今復為未來眾生無福無德。有諸惡鬼種種惱亂不得安隱。是故宣說汝善受持當使未來流傳不斷。與諸眾生而作恃怙。

爾時世尊說是尊勝大明王已。尊者阿難歡喜信受禮佛而退。

佛說尊勝大明王經